

Gruponan Uni ta expresa nan evaluacion den reunion



Minister di Cultura Otmar Oduber a reuni cu Gruponan Uni pa asina aki haya un feedback y evaluacion pa cu carnaval 61 bou di e maneho di SMAC. Reunion a bay den hopi bon ambiente y te hasta a papia caba riba e preparacionnan pa Carnaval 62.

Manera por a compronde di e representantenan di Champagne, Los Laga Bay y Royal, tabata un bon experiencia con SMAC a handle su prome carnaval. Mas cu claro tin cosnan cu mester drecha, pero pa un



organizacion nobo SMAC a haci un bon trabou pa ehecuta e celebracion di carnaval den asina poco tempo.

Gruponan Uni ta hopi contento cu nan a haya e oportunidad pa duna un evaluacion na Minister Oduber, esaki ta exactamente e trato cu nan tabata desea for di basta tempo caba. Pa nan e ta hopi importante cu nan ideanan ta wordo scucha, cu ta tene na cuenta nan ponencianan y cu e

transparencia cu SMAC tin haci esey hopi mas facil y placentero pa traha cu esey. □

